

18. *CAMPYLOCENTRUM FASCIOLA* COGN. radici-

bus numerosissimis, gracilibus, glabris laevibusque; pedunculis communibus dense fasciculatis, elongatis, subtiliter puberulis, fere usque ad basin densiuscule multifloris; bracteis rigidiusculis, ovato-triangularibus, acutissimis, glabratis, ovario satis brevioribus; floribus subsessilibus, perpusillis, segmentis membranaceis, erecto-patulis; sepalis subaequilongis, late ligulato-ovatis, subtiliter trinervulosis, dorsali abrupte acuto, lateralibus obtusiusculis; petalis ligulato-obovatis, apice rotundatis, sepalo dorsali aequilongis; labello sepalis lateralibus subaequilongo, ambitu late rhomboideo, distincte trilobato, lobis late triangularibus, lateralibus obtusis, terminali leviter producto, acutiusculo, calcari subpendulo, paulo arcuato, lineari-clavato, obtuso, sepalis lateralibus dimidio longiore.

*Tabula nostra CVI. Fig. I (habitus cum analysi).*

*Angraecum fasciola* Lindl. in *Bot. Regist. XXVI. sub tab. 68 (1840)*, ex Benth. in *Hook. Lond. Journ. of Bot. II. 673.*

*Aeranthus fasciola* Reichb. f. in *Walp. Ann. Bot. VI. 902 (1864)*, in *Linnaea XLI. 130.*

? *Angraecum Weigeltii* Reichb. f. in *Linnaea XXII. 857 (1849)*, in *Walp. Ann. Bot. III. 572*; Rolfe in *Orch. Rev. XI. 247 (A. Wiegeltii).*

RADICES dense fasciculatae, tortuosae, siccitate plurisulcatae, cicerinae, simplices vel rarius vix ramosae, 10—30 cm. longae, 1—1½ mm. crassae. PEDUNCULI communes usque ad 20 fasciculati, ascendentes, satis arcuati vel subrecti, teretiusculi, fusciscentes, 5—15 cm. longi, ⅓—⅓ mm. crassi. BRACTEAE adpressae, valde concavae, ⅔—¾ mm. longae, persistentes, demum leviter accrescentes. FLORES patentes, regulariter distichi rarius subsecundi, flavescentes. OVARIIUM filiformi-subclavatum, glabrum, leviter arcuatum, 1¼—1½ mm. longum. SEPALA satis concava, basi vix attenuata, 1¼—1½ mm. longa, ⅔ mm. lata, lateralia paulo obliqua. PETALA leviter concava, basi satis constricta, subtiliter trinervulosa, vix obliqua, 1¼—1½ mm. longa, ⅔ mm. lata. LABELLUM valde concavum, subtiliter 9—11-nervulosum, 1—1¼ mm. longum, 1¼—1½ mm. latum; calcar lateraliter paulo compressum, 1½—1¾ mm. longum, ½—⅔ mm. crassum. COLUMNA crassa, ¾—1 mm. longa. ANTHERA satis convexa, laevis, antice in membranam latam pellucidam apice profundiuscule acutaeque emarginatam producta. CAPSULA patentissima vel subreflexa, elliptico-ovoidea, basi apiceque rotundata, obscure trigona, acutiuscule 6-costata, non vel vix obliqua, fusciscentes, 5—6 mm. longa, 2½—3 mm. crassa.

*Habitat in prov. Matto Grosso loco accurato haud indicato: Weddell n. 3390. Etiam in Surinam: Leschenault; ad truncos arborum in districtu Para: Kappler n. 1660; in sylvis prope Poelebantje: Kegel n. 700; in arboribus ad Morea: Wullschlaegel n. 546; in Guiana anglica: Schomburgk; in Peruviae prov. Loreto supra arbores ad Yurimaguas: E. Ule n. 58 p. — Floret Augusto.*